

# КАФИСМА ДЕВЯТНАДЦАТАЯ

Аллилуиа, 134

<sup>1</sup> Хвалите имя Господне, хвалите, рабы Господа, <sup>2</sup> стоящие во храме Господни, во дворах дому Бога нашего. <sup>3</sup> Хвалите Господа, яко Благ Господь, пойте имени Его, яко добро: <sup>4</sup> яко Иакова избра Себе Господь, Израиля в достояние Себе. <sup>5</sup> Яко аз познах, яко Велий Господь, и Господь наш над всеми боги. <sup>6</sup> Вся елика восхотел Господь, сотвори на небеси и на земли, в морях и во всех безднах. <sup>7</sup> Возводя облаки от последних земли, молнии в дождь сотвори, изводя ветры от сокровищ Своих. <sup>8</sup> Иже порази первенцы Египетския, от человека до скота. <sup>9</sup> Посла знамения и чудеса посреди Тебе, Египте, на фараона и на вся рабы его. <sup>10</sup> Иже порази языки многи и избил царей крепки: <sup>11</sup> Сиона, царя Аморрейска, и Ога, царя Васанска, и вся царствия Ханаанска, <sup>12</sup> и даде землю их достояние, достояние Израилю, людем Своим. <sup>13</sup> Господи, имя Твое в век и память Твоя в род и род: <sup>14</sup> яко судити имат Господь людем Своим, и о рабах Своих умолятся. <sup>15</sup> Идоли язык, серебро и золото, дел рук человеческих. <sup>16</sup> Уста имут, и не возглаголют, очи имут, и не узрят, <sup>17</sup> уши имут, и не услышат, ниже бо есть дух во устех их. <sup>18</sup> Подобни им да будут творящие я, и вси надеющиеся на ня. <sup>19</sup> Доме Израилев, благословите Господа, доме Ааронь, благословите Господа, доме Левийин, благословите Господа. <sup>20</sup> Боящиеся Господа, благословите Господа. <sup>21</sup> Благословен Господь от Сиона, живый во Иерусалиме.

Аллилуиа, 135

<sup>1</sup> Исповедаетесь Господеви, яко благ, яко в век милость Его. <sup>2</sup> Исповедаетесь Богу богов, яко в век милость Его. <sup>3</sup> Исповедаетесь Господеви господей, яко в век милость Его. <sup>4</sup> Сотворшему чудеса велия единому, яко в век милость Его. <sup>5</sup> Сотворшему небеса разумом, яко в век милость Его. <sup>6</sup> Утвердившему землю на водах, яко в век милость Его. <sup>7</sup>

Сотворшему светила велия единому, яко в век милость Его. <sup>8</sup>  
Солнце во область дне, яко в век милость Его. <sup>9</sup> Луну и звезды  
во область ночи, яко в век милость Его. <sup>10</sup> Поразившему Египта  
с первенцы его, яко в век милость Его, <sup>11</sup> и изведшему Израиля  
от среды их, яко в век милость Его. <sup>12</sup> Рукою крепкою и  
мышцею высокою, яко в век милость Его. <sup>13</sup> Раздельшему  
Чермное море в разделения, яко в век милость Его. <sup>14</sup> И  
проведшему Израиля посреде его, яко в век милость Его. <sup>15</sup> И  
истрясшему фараона и силу его в море Чермное, яко в век  
милость Его. <sup>16</sup> Проведшему люди Своя в пустыни, яко в век  
милость Его. <sup>17</sup> Поразившему царя велия, яко в век милость  
Его, <sup>18</sup> и убившему царя крепкия, яко в век милость Его: <sup>19</sup>  
Сиона, царя Аморрейска, яко в век милость Его, <sup>20</sup> и Ога, царя  
Васанска, яко в век милость Его. <sup>21</sup> И давшему землю их  
достояние, яко в век милость Его. <sup>22</sup> Достояние Израилю, рабу  
Своему, яко в век милость Его. <sup>23</sup> Яко во смирении нашем  
помяну ны Господь, яко в век милость Его. <sup>24</sup> И избавил ны  
есть от врагов наших, яко в век милость Его. <sup>25</sup> Дай пищу  
всякой плоти, яко в век милость Его. <sup>26</sup> Исповедайтесь Богу  
Небесному, яко в век милость Его.

### Давиду Иеремием, 136

<sup>1</sup> На реках Вавилонских, тамо седохом и плакахом, внегда  
помянути нам Сиона. <sup>2</sup> На вербиих посреде его обесихом органы  
наша. <sup>3</sup> Яко тамо вопросиша ны пленшии нас о словесех песней  
и ведшии нас о пении: воспойте нам от песней Сионских. <sup>4</sup>  
Како воспоём песнь Господню на земли чуждей? <sup>5</sup> Аще забуду  
тебе, Иерусалиме, забвена буди десница моя. <sup>6</sup> Прильпни язык  
мой гортани моему, аще не помяну тебе, аще не предложу  
Иерусалима, яко в начале веселия моего. <sup>7</sup> Помяни, Господи,  
сыны Едомския, в день Иерусалимль глаголющия: истощайте,  
истощайте до оснований его. <sup>8</sup> Дщи Вавилоня окаянная, блажен  
иже воздаст тебе воздаяние твоё, еже воздала еси нам. <sup>9</sup>  
Блажен иже имет и разбиет младенцы твоя о камень.

Слава:

## Псалом Давиду, Аггеа и Захарии, 137

<sup>1</sup> Исповѣмся Тебѣ, Гóсподи, всем сѣрдцем моим, и пред Ангелы воспую Тебѣ, яко услышал еси вся глаголы уст моих. <sup>2</sup> Поклонюся ко храму святому Твоему и исповѣмся имени Твоему о милости Твоей и истине Твоей, яко возвеличил еси над всем имя Твое святое. <sup>3</sup> Воньже аще день призову Тя, скоро услыши мя: умножиши мя в души моей силою Твоею. <sup>4</sup> Да исповѣдятся Тебѣ, Гóсподи, вси царие зѣмстии, яко услышаша вся глаголы уст Твоих, <sup>5</sup> и да воспойт в путѣх Господних, яко велиа слава Господня, <sup>6</sup> яко Высóк Господь, и смиренныя призирает, и высокая издалеча вестъ. <sup>7</sup> Аще пойду посреде скорби, живиши мя, на гнев враг моих простерл еси руку Твою, и спасе мя десница Твоя. <sup>8</sup> Господь воздаст за мя. Гóсподи, милость Твоя во век, дел руку Твоею не презри.

## В конец Давиду, псалом Захариин в разсеянии, 138

<sup>1</sup> Гóсподи, искусил мя еси и познал мя еси. Ты познал еси седание мое и востание мое. <sup>2</sup> Ты разумел еси помышления моя издалеча: <sup>3</sup> стезю мою и уже мое Ты еси изследовал, и вся пути моя провидел еси. <sup>4</sup> Яко несть лести в языке моем: се, Гóсподи, Ты познал еси. <sup>5</sup> Вся последняя и древняя: Ты создал еси мя, и положил еси на мне руку Твою. <sup>6</sup> Удивися разум Твой от мене, утвердися, не возмогу к нему. <sup>7</sup> Камо пойду от Духа Твоего? И от лица Твоего камо бежу? <sup>8</sup> Аще взыду на небо – Ты тамо еси, аще сниду во ад – тамо еси. <sup>9</sup> Аще возму криле мои рано и вселюся в послѣдних моря – <sup>10</sup> и тамо бо рука Твоя наставит мя и удержит мя десница Твоя. <sup>11</sup> И рех: еда тма поперет мя, и ночь просвещение в сладости моей? <sup>12</sup> Яко тма не помрачится от Тебѣ, и ночь, яко день, просветится, яко тма ея, тако и свет ея. <sup>13</sup> Яко Ты создал еси утробы моя, восприял мя еси из чрева матере моея. <sup>14</sup> Исповѣмся Тебѣ, яко страшно удивился еси: чудна дела Твоя, и душа моя знает зело. <sup>15</sup> Не утайся кость моя от Тебѣ, юже сотворил еси в тайне, и состав мой в преисподних земли. <sup>16</sup> Несодѣланное мое видесте очи Твои, и в книзе Твоей вси напишутся, во днѣх созиждутся и никтоже в

них. <sup>17</sup> Мне же зело́ чéстни бѣ́ша друзи Твои́, Бóже, зело́ утверди́шася влады́чества их. <sup>18</sup> Изочту́ их, и пáче песка́ умно́жатся; воста́х, и еще есмь с Тобо́ю. <sup>19</sup> Аще избие́ши грéшники, Бóже, мѹ́жие кровей, уклоните́ся от мене́. <sup>20</sup> Яко ревни́ви естé в помышлénиих, прииму́т в суету́ грады́ Твоя́. <sup>21</sup> Не ненави́дящия ли Тя, Гóсподи, возненави́дех, и о вразéх Твои́х истáях? <sup>22</sup> Совершénною нéнави́стною возненави́дех я́, во враги́ бѣ́ша ми. <sup>23</sup> Искуси́ мя, Бóже, и увéждь сéрдце моé, истяжи́ мя и разумей́ стези́ моя́, <sup>24</sup> и виждь, áще путь беззакóния во мне, и наста́ви мя на путь вéчен.

### В конéц, псалом Давиду, 139

<sup>1</sup> Изми́ мя, Гóсподи, от челове́ка лука́ва, от мѹ́жа неправедна изба́ви мя, <sup>2</sup> и́же помы́слиша неправду́ в сéрдце, весь день ополча́ху бра́ни, <sup>3</sup> изостри́ша язы́к свой, я́ко зми́н, яд а́спидов под устна́ми их. <sup>4</sup> Сохрани́ мя, Гóсподи, из ру́ки грéшници, от челове́к неправедных изми́ мя, и́же помы́слиша запы́ти стопы́ моя́. <sup>5</sup> Скры́ша го́рдии сеть мне, и у́жы препя́ша сеть нога́ма мои́ма. <sup>6</sup> При стези́ собла́зны положи́ша ми. <sup>7</sup> Рех Гóсподеви: Бог мой еси́ Ты, внуши́, Гóсподи, глас молéния моего́. <sup>8</sup> Гóсподи, Гóсподи, си́ло спасéния моего́, осени́л еси́ над главо́ю моéю в день бра́ни. <sup>9</sup> Не преда́ждь мене́, Гóсподи, от желáния моего́ грéшнику: помы́слиша на мя, не оста́ви мене́, да не когда́ вознесу́тся. <sup>10</sup> Глава́ окру́жения их, труд устен их покры́ет я́. <sup>11</sup> Падут на них у́гля огненная́, низложи́ши я́ в страстéх, и не посто́ят. <sup>12</sup> Муж язы́чен не исправится на земли́: мѹ́жа неправедна злáя уловя́т во ислéние. <sup>13</sup> Позна́х, я́ко сотвори́т Госпо́дь суд ни́щым и месть убо́гим. <sup>14</sup> Обáче пра́веднии испове́дятся и́мени Твоему́, и вселя́тся пра́вии с лицéм Твои́м.

Слава:

### Псалом Давиду, 140

<sup>1</sup> Гóсподи, воззва́х к Тебе́, услы́ши мя: вонми́ гла́су молéния моего́, внегда́ воззвати́ ми к Тебе́. <sup>2</sup> Да исправится моли́тва моя́,

яко кадило пред Тобою, воздеяние руку мою – жертва вечерняя. <sup>3</sup> Положи, Господи, хранение устам моим, и дверь ограждения о устах моих. <sup>4</sup> Не уклони сердце мое в словеса лукавствия, нещевати вины о гресех, с человеки делающими беззаконие, и не сочтуса со избранными их. <sup>5</sup> Накажет мя праведник милостию и обличит мя, елей же грешного да не намастит главы моея, яко еще и молитва моя во благоволениях их. <sup>6</sup> Пожертвы быша при камени судий их: услышатся глаголи мой, яко возмогоса. <sup>7</sup> Яко толща земли проседесе на земли, расточишася кости их при аде. <sup>8</sup> Яко к Тебе, Господи, Господи, очи мой: на Тя уповах, не отыми душу мою. <sup>9</sup> Сохрани мя от сети, юже составиша ми, и от соблазна делающих беззаконие. <sup>10</sup> Падут во мрежу свою грешницы: един есмь аз, дондеже преяду.

Разума Давиду,  
внегда быти ему  
в верте молящемуся, 141

<sup>2</sup> Гласом моим ко Господу возвах, гласом моим ко Господу помолихся. <sup>3</sup> Пролию пред Ним моление мое, печаль мою пред Ним возвещу. <sup>4</sup> Внегда исчезати от мене духу моему: и Ты познал еси стези моя: на пути сем, по немуже хождах, скривша сеть мне. <sup>5</sup> Смотрях одесную и взглядах, и не бе знаяй мене: погипе бегство от мене, и несть взыскайя душу мою. <sup>6</sup> Возвах к Тебе, Господи, рех: Ты еси упование мое, часть моя еси на земли живых. <sup>7</sup> Вонми молению моему, яко смирихся зело, избави мя от гонящих мя, яко укрепишася паче мене. <sup>8</sup> Изведи из темницы душу мою, исповедатися имени Твоему. Мене ждут праведницы, дондеже воздаси мне.

Псалом Давиду,  
егда гоняше его  
Авессалом, сын его, 142

<sup>1</sup> Господи, услыши молитву мою, внуши моление мое во истине Твоей, услыши мя в правде Твоей <sup>2</sup> и не вниди в суд с рабом Твоим, яко не оправдится пред Тобою всяк живый. <sup>3</sup> Яко погна враг душу мою, смирил есть в землю живот мой, посадил

мя есть в тёмных, яко мёртвыя вѣка. <sup>4</sup> И уны во мне дух мой, во мне смятѣся сѣрдце моѣ. <sup>5</sup> Помянух дни дрѣвнѣя, поучихся во всех дѣлах Твоих, в творѣннѣх руку Твоѣю поучахся. <sup>6</sup> Воздѣх к Тебѣ рѣче мой, душа моя, яко земля безводная Тебѣ. <sup>7</sup> Скоро услыши мя, Господи, исчезѣ дух мой, не отврати лица Твоего от мене, и уподоблюся низходящѣм в ров. <sup>8</sup> Слышану сотвори ми завтра милость Твою, яко на Тя уповах. Скажи ми, Господи, путь вонже пойду, яко к Тебѣ взях душу мою. <sup>9</sup> Изми мя от враг моих, Господи, к Тебѣ прибегах. <sup>10</sup> Научи мя творити волю Твою, яко Ты еси Бог мой. Дух Твой Благий наставит мя на землю праву. <sup>11</sup> Имене Твоего ради, Господи, живиши мя, правдою Твоѣю изведѣши от печали душу мою. <sup>12</sup> И милостию Твоѣю потребиши враги моя и погубиши вся стужающыя души моеи, яко аз раб Твой есмь.

Слава:

### По 19-й кафисме, Трисвятое

*Таже тропари, глас 7:* Благодаря, славлю Тя, Боже мой, яко всем дал еси грѣшником покаяние. Спасе, не посрами мене, егда приидеши судити миру всему, срамная дела сотворшаго.

*Слава:* Безмѣрная Тебѣ прегрѣшив и безмѣрных мучѣний ожидаю, Боже мой, ущѣдрив, спаси мя.

*И ныне:* Ко множеству милости Твоея ныне прибегаю: разреши вериги, Богородице, согрѣшеній моих.

Господи, помилуй (40) и молитва:

Владыко Христе Боже, Иже Страстьми Твоими страсти моя исцеливый и язвами Твоими язвы моя уврачевавый, даруй мне, много Тебѣ прегрѣшившему, слезы умиления, сраствори моему телу от обоняния животворящаго Тѣла Твоего, и наслади душу мою Твоѣю Честною Крѣвнью от горести, еуже мя сопротивник напои. Возвыси мой ум к Тебѣ, долу привлѣкшийся, и возведи от пропасти погибели, яко не имам покаяния, не имам умиления, не имам слезы утѣшительныя, возводящия чада ко своему наслѣдию. Омрачихся умом в житѣйских страстѣх, не могу возрѣти к Тебѣ в болѣзни, не могу согрѣтися слезами, яже к Тебѣ любве, но, Владыко Господи, Иисусе Христе, Сокровище Благих, даруй мне покаяние всецѣлое, и сѣрдце

люботрудное во взыскание Твое, даруй мне благодать Твою, и  
обнови во мне зраки Твоего образа. Оставих Тя, не остави  
мене, изыди на взыскание мое, возведи к пажити Твоей, и  
сопричти мя овцам избранного Твоего стада, воспитай мя с  
ними от злака Божественных Твоих таинств, молитвами  
Пречистая Твоея Матере и всех святых Твоих, аминь.